

Քուսմանները շատ լայն էին, երբեմն 8—10 մետր կտորի լայնքից կարված: Միրում էին կուրծքը բազմաթիվ դրամներով զարդարել, որպեսզի քայլելիս զրնգզրնգան— մնացորդ ասիական նախկին հայրենիքից բերած սովորու-  
թյան, որտեղ զնգզնգոցին վերագրվում էր շարքերից պաշտպանական և ընդ-  
հանրապես մագիկ նշանակություն, օրինակ շամանների՝ կախարհների  
զգեստավորութայան մեջ:

## ՏՂԱՄԱՐԳՈՒ ԶԳԵՍ

Իր հիմնական մասերով և ձևով տղամարդու զգեստը շատ քիչ է տար-  
բերվում արևելյան Կովկասի ժողովուրդների արական զգեստից, որն առաջ-  
ներում տարածված էր սկսած Հյուսիսային Կովկասից և Դաղստանից գրեթե  
մինչև Ղարաբաղ և Արաքսի աջգրյան շրջանները, մինչև Ուրմիո ավազանը<sup>12</sup>:  
Այդ տարազը աչքի էր ընկնում գույների միապաղաղությունամբ և խույս էր տա-  
լիս ասեղնագործ նախշազարդություններից, որով այնչափ պարծենում էին  
Հայկական լեռնաշխարհի առավելապես արևմտյան կողմերում բնակվող հա-  
յերը: Նույն տարբերությունը նշվում է նաև կանացի զգեստի մեջ: Այստեղ  
բացակայում էին արևմտյան բազմագույն և նախշուն շավարներն ու բան-  
կօնները, չկային և բազմերանգ գլխարկները՝ արախչիները և լայն ու երկար  
կտորից մարմնի շուրջը գեղարվեստորեն փաթաթված փարթամ գոտիները,  
բացակայում էր նաև արծակ, անթև յեյակը: Դրան հակառակ Ձանգեզուրի  
տղամարդու զգեստը ընդհուպ կաշում էր մարմնին, սիրում էին կաշվե գո-  
տիով սեղմ պատել մարմինը, թելվերը նեղ էին, գլխարկը՝ ոչխարի մորթուց  
կարած, միագույն, լայն նստող փափախն էր:

Տղամարդու զգեստը կազմված էր տակի հալավից՝ շապկից և փոխանից և  
վրայի արխալուղից, շավարից, շուխայից և այլ մասերից:

1. Հալավը՝ միշտ սպիտակ, յախան՝ օձիքը ձախից կտրած, որ կուրծքը  
չերևա: Բաց մնացած դոշին կուտուր՝ կտոր գցած—հասակավորները մուգ  
կապույտ, իսկ հարուստները շափաղի—դանավնիզ՝ պսպղին տվող— մի թելը  
կանաչ, մյուսը՝ կապույտ, մրտեղ կօրծած՝ միատեղ գործած: Կրծքի կտր-  
վածքը արխալուղի տակից չէր երևում: Օձիքը—դնիզ՝ ուղիղ: Թելվերը լայն,  
պպց՝ բաց, առանց կոճակի:

2. Փոխանն էլ կանանց փոխանի նման էր, բայց համեմատաբար ավելի  
նեղ, նույնպես առջևից հանգուցվող խօնջանավ և ներքևի ծայրերը բաց:

3. Արխալուղը՝ հենց օձիքից կուրծքը բաց մինչև գոտկատեղը, առանց  
խորայի: Կոճակները դայթանից—երեքը՝ գոտկատեղում, երեքն՝ ավելի բարձր:  
Գոտկատեղից ներքև, մոտ 30—35 սմ՝ բուլմա արած. այս ստորին մասի հա-  
մար պահանջվում էր գրեթե. չորս անգամ ավելի կտոր, քան թե վերին իրանի  
մասի համար:

4. Շավարը լայն էր լինում, ձագր<sup>13</sup> բավականին վեր բարձրացրած,

<sup>12</sup> Նույն զգեստի ձևերը կրում են նաև թերեք և Կուրան գետերի մոտ վերաբնակված կա-  
ղակները, փոխ առնելով կովկասյան լեռնացիներից:

<sup>13</sup> Շավարի ներսի կարերի մեջ երկու կողմից գցված կտորը, որը տարբեր շրջաններում  
տարբեր ձև և անուն ունի: